

## SAOPŠTENJE ZA JAVNOST - PROJEKAT

Zenica, 23.01.2015.godine

### **Proširenje usluga laboratorije LIND uspostavom novog odjela za ispitivanje građevinske stolarije i uspostava Impulsnog Kreativnog Centra (ICC) kao razvojnog instrumenta za podršku unapređenja kvaliteta primjenom informacionih tehnologija.**

Evropska unija je krajem novembra 2014. dodijelila grant Agenciji ZEDA za implementaciju projekta "MENTOR 2" (Modern Economy through New Technology-Oriented Research, phase II). Projekat je odobren u okviru javnog poziva Delegacije EU u BiH za podršku lokalnom ekonomskom razvoju u BiH.

Ukupna vrijednost projekta je 664.616,77 EUR-a, od čega je Evropska unija osigurala 499.778,57 EUR-a ili 75,19 % dok će preostali dio finansirati Agencija ZEDA, Grad Zenica i Univerzitet u Zenici kao partneri u projektu. Vrijeme implementacije projekta je 30 mjeseci.

MENTOR 2 u suštini predstavlja nastavak uspješno implementiranog projekta MENTOR, također finansiranog od strane Delegacije EU. Ovim projektom će se uspostaviti laboratorija za ispitivanje građevinske stolarije i fasadnih elemenata, razvojno/inovativna i inkubacijska komponenta projekta ICC i unaprijedit će se saradnja između ZEDA agencije/LIND laboratorije i institucija javne uprave (lokalnih, kantonalnih, entitetskih i državnih), malih i srednjih preduzeće (MSP) i fakulteta u sektoru prerade drveta/proizvodnje građevinske stolarije.

Dakle, projekat će poboljšati konkurentnu poziciju BH drvnih proizvođača koji svoje proizvodne programe namjeravaju izvoziti ili već izvoze u zemlje Evropske unije. Laboratorija LIND Zenica bi sa svojim uslugama u budućnosti trebala izrasti u tehnološkog i inovacijskog lidera na ovom području Bosne i Hercegovine, pa i šire.

Za Agenciju ZEDA ovaj projekat predstavlja nastavak realizacije uspješno implementiranog projekta MENTOR na uspostavi instrumenata ekonomskog razvoja i značajan kvalitativni iskorak na viši nivo podrške sektoru MSP u Zenici i regiji.

**Opšti cilj projekta:** Razvoj i ponuda novih usluga za drvoprerađivački sektor BiH, s posebnim fokusom na MSP koje proizvode građevinsku stolariju.

#### **Specifični ciljevi projekta:**

- Povećati konkurentnost BH proizvoda od drveta i unaprijediti inovativnost u procesima proizvodnje građevinske stolarije.
- Sistematski pristup u ispitivanju i razvoju finalnih proizvoda, prema standardima EU/BiH, uspostavom moderno opremljene laboratorije za ispitivanje građevinske stolarije i fasadnih elemenata.

**Krajnji korisnici:** Mala i srednja preduzeća iz drvoprerađivačkog sektora i njihovi uposlenici

**Implementator:** ZEDA Agencija i partneri u projektu Grad Zenica i UNZE.

Više informacija o projektu možete dobiti u Agenciji ZEDA, tel: 032 445 830, kontakt osoba je Senad Pašalić.



Projekat provodi  
ZEDA – Agencija za  
ekonomski razvoj Zenica

Školska 4  
72 000 Zenica  
Tel: 032 449 410  
Fax: 032 449 415  
[www.zeda.ba](http://www.zeda.ba)

Ovaj projekat finansira Evropska  
unija

Delegacija Evropske unije u Bosni i  
Hercegovini  
Skenderija 3a  
Sarajevo 71000, BiH  
Tel: +387 33 254 700  
Fax: +387 33 666 037

Evropska komisija je izvršno tijelo EU.

„Evropska unija se sastoji od 28 država članica koje su odlučile postepeno povezivati svoja znanja, resurse i sudbine. Tokom 50 godina proširenja, zajedno su izgradile zonu stabilnosti, demokratije i održivog razvoja, istovremeno zadržavajući kulturne različitosti, toleranciju i lične slobode. Evropska unija je posvećena tomu da svoja dostignuća i vrijednosti dijeli sa zemljama i ljudima izvan vlastitih granica“.